

AGENDRE TRINITATIS

MINGGU, 19 Oktober 2025

Pukul : 10.30 WIB

1. FANGOWAI BA FOGAONI

Fangowai :

SA : Ya'ami banua Zo'aya, Ya somuso tödö ba sowuawua tödö ami ba we'amöi föna Keriso ma'ökhö andre, ma'owai ami fefu, Ya'ahowu.

SATO : Ya'ahowu.

SA : Ya faofao khömi Lowalangi

SATO : Ya fao khöu Geheha-Nia.

Fogaoni :

SA Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangida. Tasuno Ia, manunö ita moroi ba Mbuku Zinunö No. 6 : 1-2
“YESU WONDREGE ZALAŴA”

1. Yesu Wondrege Zalaŵa, si so ita barö mbawa, fao niha ma'a fefu. Dozi nifatörö-Nia, mangalulu föna-Nia, ba wolohe sumange, ba wolohe sumange.

2. Khö-Nia wa'asalaŵa, ba hadia wa'ebua, oi khö-Nia so manö.
He si yaŵa ba zorugo, he si so ba gulidanö, oi Ya'ia zokhö ö,
oi Ya'ia zokhö ö.

2. FANGA'ARO'Ö WA'OWULO (VOTUM)

SA : Da tahonogö dödöda ba wariawösa, ba ba wa hasambua khö Lowalangi, **(muzio Ita Fefu)**

No owulo ita ba da'e, ba döi Lowalangi Ama, ba ba döi Nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yaŵa awö danö.

SATO : YADUHU

SA : Ba u'ila Zo'aya, sidadao ba dadaoma sebua, si no alawa: anõnõ gosali ahe mbaru-Nia. Serafi fõna-Nia, õnõ gafi zamõsa. Dua mbalubalu mbawa ba dua mbalubalu gahe ba dua ba wehombo. Ba faoma lamanemane we'ao khõ nawõra: Ni'amoni'õ, Ni'amoni'õ, Ni'amoni'õ Yehowa ngahõnõ andrõ; no anõnõ lakhõmi-Nia guli danõ ma'asagõrõ¹. HALELUYA....

SATO : **Ha-leluya, Ha-leluya, Ha-leluya**

SA : Mangandrö ita:

He Yehowa Lowalangi Ama, Ono ba Eheha Ni'amoni'ö. Möiga mangalulu ba wangandrö saohagölö me no Örorogö, Ö'orifi, ba Öbohouniga fa'omasi-Mö andrö. Ma'andrö khö-U, tohugö wa'ebua dödö-U khöma, rorogöga ba ngawalö de'ala, efa'öga ba wanandraigö, rara dödö ba ngawalö gabula dödö, tundreheni fa böi alau ndra'aga. Fatöröga ba zomasi Ndra'ugö irugi gamozua, fa makhamö nahia ba zi so Ya'ugö. Si lö mo'aetufa nisuno ba nifolakhömi Ndra'ugö, awö Zo'aya ya'aga Yesu Keriso ba Eheha Ni'amoni'ö. Yaduhu.

(mudadao zato)

3. MANUNÖ moroi ba Mbuku Zinuno **221 : 1&2**

"NA LÖ MATE'Ö YESU SALAHIGU"

1. Na lö mate'Ö Yesu, salahigu, na tenga do-Mö zanasai horögu. Balö usöndra wangefa horögu, fangatulögu.
2. Lö sa si mane Ya'ugö So'aya, sangefa horö, sanimba te'ala. Khö-U udölödo sangehao tödögu, tötonafögu.

4. FOMBASO TAROMA LI LOWALANGI (AF)

SA : Da tafondrondrongo daroma Li Lowalangi, tehalö moroi ba zura **Sinunö 121 : 1-8 (Imane Taromali Lowalangi)**

- 1 Ufaõga hörõgu, ufaigi hili andrõ: Heza i'otarai fangorifigu?
- 2 Fangorifigu andrõ, ba i'otarai Yehowa, samazõkhi banua si yawa, awõ danõ.
- 3 Lõõ sa ibe'e mangiwa gaheu; samaigimaigi ya'ugõ andrõ, ba lõ manukõu.
- 4 Hiza, lõ manukõu zamaigimaigi Iraono Gizeraëli andrõ ba lõ mörõ.
- 5 Sondrorogõ ya'ugõ Yehowa; ilumõ'õ ndra'ugõ Yehowa ba gambõlõu.
- 6 Lõ ihandro ndra'ugõ sino na ma'õkhõ, ba he bawa ba zi bongi.
- 7 Irorogõ ndra'ugõ Yehowa, itimba zi lõ sõkhi fefu, irorogõ nosou.
- 8 Yehowa zamaigimaigi fofanõu, awõ wangawuliu, i'otarai da'e, irugi zi lõ aetu.

SAT : Si manö daroma Li Lowalangi, da tatema'ö faoma
O sinunö: **MISUNOSUNO ZO'AYA**

Misunosuno Zo'aya, mibe zumange-Nia.

Mi'ebua'ö dõi-Nia, sotõi banua-Nia.

Me no Ikaoni gõi ami, afu mitema wa'auri,
khö Yesu, Sangorifi

5. FANGANDRÖ FANGEFA HORÖ

SA : Ya'ami ira talifusö,
Na tawa'ö lö horöda, ba talimo ita, ba si duhu lõ'ö ba dödöda. Na ta'ombakha'ö horöda, ba lõ faröi Ia, ba no satulö Ia, fa I'efa'ö khöda horö andrö, Ihaogö ita, awö wa Itheta fefu zi lõ atulö. Andrö da möi ita fõna Lowalangi si fao fangidengide'ö ba wangombakha horöda, **(muzizio ita fefu).**

Mangandrö ita:

He Yehowa Lowalangi, si lõ ambõ fa'abõlõ, ba si no fahõna fa'omasi. Mafaduhu'õ wa tenga sinangea ndra'aga tanõ fõna-Mö, me no fahõna horõ si no mafalua i'otarai iraono ndra'aga, he ba wehedema, era'era dödöma, awõ gamuatama si lõ faudu ba daroma Li-Mö. Andrö möiga khõ-U ba wangandrö fa'ahakhõ dodo-U, ena'õ Ö'efa'õ khõma horõma andrö, si no mafalua, irege sohahau tödö ndra'aga wanohugö fekolima ba zi so fõnama si faudu ba zomasi Ndra'ugö.

SA : Mangandrö ba dödö zamösana fõna Lowalangi.

SA : Hakhösi dödö-U khõma Ama, ba be'e aefa khõma horõma andrö ma'afefu, Yaduhu. **"NA UBINI'Ö HORÖGU KHÖ YESU"**

SATO : **"NA UBINI'Ö HORÖGU KHÖ YESU"**

1. Na ubini'õ horögu khö Yesu.

Ba lõ usõndra zahono dödögu.

U'ombakha'õ ngawalõ horögu, molala dödö.

SA : **Turia Wangefa horö:** "Utayaigõ golalõwamõ, si mane lawuo, awõ horõu, si mane sau. Tema fuli'õ khõ-Gu, me no U'orifi ndra'ugõ"

LAKHÖMI KHÖ LOWALANGI SI YA'WA

SATO Ba faatulö ba gulidanö ba niha Ni'omasi'õ andrö.

(mudadao zato)

6. FOMBASO TAROMA LI LOWALANGI (AB)

SA : Da tafondrondrongo daroma Li Lowalangi, tehalö moroi

ba zura **Luka 18 : 1-8** **Imane Taromali Lowalangi**

1 Ba ilau khõra gamaedola, ba wangoroma'õ wa lõ tola lõ fadoro wangandrö, wa bõi atage,

2 imane: So me fõna zanguhuku ba mbanua, lõ i'ata'ufi Lowalangi, ba lõ ba dödönia hadia niwa'õ niha.

3 Ba so lakha mbanua ba mbanua andrö, ba mõi da'õ khõnia, imane: Tolodo ba zi fa'udu khõgu andrö.

- 4 Ba ara lõ edõna ia. Ba dania, ba imane dõdõnia: He lõ u'ata'ufi Lowalangi ba he lõ ba dõdõngu hadia niwa'õ niha,
- 5 ba edõnado zui utolo lakha mbanua andrõ, me ifakao ndra'o, fa bõi afõkhõ hõgõgu ibe'e, na lõ ibatobato we'amõi.
- 6 Ba imane So'aya: Mifondrondrongo, hadia niwa'õ zanguhuku andrõ, si lõ atulõ tõdõ. 7 Ba hadia, lõ itolo Lowalangi nitutuyunia andrõ, si'angarõfi li ya'ia bongi ma'õkhõ; ba hadia arõrõ ia ba khõra? .
- 8 Uwa'õ khõmi, itolo ira, lõ ara sibai. Ba na so Nono Niha, hadia falukha ia maõ wamati ba guli danõ?

Ya'ahowu zamondrongo taroma li Lowalangi ba same'e ba dõdõ.....

SA+
SATO :

YADUHU

7. FASÖMBATA

SA : Iada'e tebe'e khõda ginõtõ ba wolohe fasömbatada khõ Lowalangi. Ta'osamuzaigõ wame'e, he **fasömbata si fõfõna, si mendrua, si medõlu, ba untuk Tanggungan ke Resort dan Sinodal Serta Dana Pelayanan Sinodal** Ba si õfõna ua da tafondrondrongo Li Lowalangi me imane:

- ❖ Ba da'õ niwa'õgu: Na so zangatalisi tanõmõ, ba lõ oya'oya ibasi, ba na so zi lõ alimagõ tanõmõ, ba oya gõi ibasi dania. Ba balazi dõdõ zamõsana; bõi abu dõdõ, ba tenga niforege; si no aoha gõlõ fame'e, da'õ sa zomasi Lowalangi.

SA : Tafa'ema fõna wasömbata khõ Lowalangi, ba manunõ ita moroi ba Mbuku Zinunõ numero 261 **YA'E ZUMANGE**

1. Ya'e zumange fasömbata, ma'o he sumange Yehowa.

Reff : Ma'andrö khö-U fa-ho-wu'ö zu-mange ni 'o- he ma khö-Mö

2. Ya'e zumange fasömbata ma be'e soroi ba dödöma.

Reff :Ma'andrö khö-U

3. Ya'e zumange fasömbata buala si'otarai Nama.

Reff :Ma'andrö khö-U

4. Ya'e zumange fasömbata, boto, noso, ba fa'aurima

Reff :Ma'andrö khö-U

5. Ya'e zumange fasömbata, lö irugi zomasi dödö-U.

Reff :Ma'andrö khö-U

6. Ya'e zumange fasömbata, ma'aohasi gölö Zo'aya.

Reff :Ma'andrö khö-U

“Da tafasao wasömbatada andre föna Lowalangi,

.....*muzizio ita fefu*.....

(mudadao zato)

8. KOOR / VOCAL GROUP (JIKA ADA)

9. MANUNÖ

SA : Da tafa'anö dödöda wamondrongo taroma Li
Lowalangi, manunö ita moroi ba Mbuku Zinunö
numero:

163. UHONOGÖ SIBAI DÖDÖGU

10. HUHUAO SEBUA

SH : Ya irorogö dödömi, awö gera'erami fa'ohahau dödö andrö,
khö Lowalangi, sabölö moroi ba gera'era niha fefu, ba khö
Keriso Yesu. Mangandrö ita.....Yaduhu.

2025 : Manunö : BZ. Numero 154: 1

SATO NO MAFONDRONDRONGO LIU.

1. No mafondrondrongo li-U, Lowalangi So'aya.
Tanö ba dödöma ia, fa böi olifuga.
Fahowu'ö ia khöma ena'ö ohahau dödöma fefu.
Heta ba dödö zi lö sökhi ma'o'ö ni wa'ö-U.

11. TUHO WAMATI

SA : Me no tarongo daroma Li Lowalangi, ba da tafaogö lida wamaduhu'ö famatida ya'ita niha Keriso föna Lowalangi, muzizio ita fefu..... *endronga lida*:

- SA +
SATO
- ❖ Ya'ó mamati khö Lowalangi Ama si lö ambö fa'abölö, somböi banua si ya'wa awö danö.
 - ❖ Ya'ó mamati khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, ono nono alawe Ia, no manaögö huku Ia, barö mbawa Fondrio Filato, teforöfa Ia, mate, ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
- : ❖ Ya'ó mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri silöaetu. Yaduhu.

(mudadao zato)

12. PEMBACAAN WARTA JEMAAT

13. MANUNÖ: Moroi ba BZ. No. 308 : 1-2 "TANGA YESU NO ARO"

1. Tanga Yesu no aro, lö manö Iböhölido.
Sondrorogö ya'odo, ena'ö lö te'alado.
Lö mangiwa dödögu So'aya zi fao khögu.
2. He abölö nudugu, ba so Keriso awögu.
Ba sahono ndra'odo, Yesu zola'wa udugu.
Lö Ilulu ndra'odo, femöna Ibè khögu.

14. FANGANDRÖ SALAHI + FAMATENGE + HOWUHOWU

SH : Sumindro ita fefu, mangandrö ita: (tetohugö): Ba döi
Zo'aya ya'aga Yesu Keriso, si no mamahaö ya'aga ba
wangandrö mamane:

SH+ : He Ama khöma si so ba zorugo, ya te'amoni'ö döi-U. Ya
SATO : tobali banua-U fefu niha, ya itörö zomasi Ndra'ugö, hulö ba
zorugo, ya si manö göi ba gulidanö. Öma sirugi ma'ökhö
be'e khöma ma'ökhö andre. Ba efa'ö khöma horöma, si
mane fangefa'öma sala ba zi so sala khöma. Böi ohe
ndra'aga ba wanandraigö, efa'öga ba zi lõ sôkhi. Me
ya'ugö zamatörö banua-U, ba sokhō fa'abölö, awö
lakhömi, irugi zi lõ aetu. Yaduhu.

SH : FAMATENGE + HOWUHOWU:
Mi'angawuli sifao fa'ohahau dödö, yatobali ami sura
Keriso, samaduhu'ö Ya'ia ba lala wa'aurimi sero ma'ökhö,
ba mitema (tatema) howuhowu Lowalangi:

(ma zui)

Mi'angawuli si fao fa'ohahau dödö, ya tobali ami haga ba
asio ba gulidanö ba lala wa'aurimi seroma'ökhö, ba mitema
(tatema) howuhowu Lowalangi:

❖ Ya mufahowu'ö ami/ita Lowalangi, Ya murorogö
ami/ita

❖ Ya mufohaga mbawa-Nia khömi/khöda, Ya mu'ebua'ö
dödö-Nia khömi/khöda

❖ Ya mufalemba hörö-Nia khömi/khöda, Ya mube'e
wa'ohahau dödö khömi/ khöda fefu. Yaduhu.

SATO **BZ. NO. 308 : 3 “TANGA YESU NO ARO”**

3. No fondrege zabölö, zi tobali balusegu.
Ifoloi zi fa'udu, he ahatö ira khögu.
No ahono dödögu, lõ iröi ndra'o Yesu.

SH : Ya'ahowu

SATO : Ya'ahowu